

後序

蓋聞

昊天皇帝至高至邈無梯可以倚其上無路可以達其中

大道默然至幽至玄無計可以度其元無方可以測其理於是善為昇天之徑以經為入道之門善則通於雲衢經則露其隱奧則非善乃天之無路則非經乃道之無門是故立經定死垂教開生而沉厥恩莫大乎經也其福莫大乎善也夫

聖人垂經則有恩而無凡夫奉善則無福而有困心以作所由生也若得遇玄文空披視已不戒不奉匪究匪窮何異有患求醫唯論驗而不餌於藥恐刑開律但解科而罔戒於非思之矣然而覽之豈可獲其濟也凡有得遇可戒奉之庶乎俾寒獄之冰消使火山之焰息可得達宮闈苑注籍得道之名幽府羅鄴落部拘囚之目咸拯識靈同登道岸余行微性慙不愧聾言謬作爰文標其經閣眉山蘇賦序

太上玄靈北斗本命延生經註序

陰一

此斗經者

太上老君之所說漢天師之所受也是時老君所宣聖語天師下聆而經之所作也得不上體

聖訓增飾為文誨其隱訣明其趣舍曉其機括者哉而所行經句多於四六有愚者便自臆說云其文類乎漢唐之作必杜天師為之耳若非杜天師則張天師之所為也固自以二天師便敢無稽而誇之且夫二天師也一則飛昇一則解化皆有絕代之文章為其辭藻豈鄙言哉如五經六籍諸子百家之書及乎釋氏之典若非撰述何從而自且儒書從古迄今注釋修撰不已而未及盡況道妙之言隱昧乎渺莽者哉惟此經人天誦詠析福禳災無不應驗其諸誘毀經有明言命沉六趣永失人身深可悲哀自致斯苦爾真今所以撰注者將以驅愚人之黷塞爾之孽根也是乃引諸經教及先師之語詳而釋之又特以彙言而為證者蓋曉之於中下耳上士高

明不足觀也傳洞真謹序